










道

藏

34



第三四册

道藏

李一氓



文物出版社
上海书店
天津古籍出版社

上清高上玉晨鳳臺曲素上經

明六

高上玉晨鳳臺曲素上經玄都九曲陵層鳳臺結自然鳳氣以成瓊房處於九天之上玉京之陽虛生八會交真之氣十折九曲洞達八方上招扶搖之翺傍通八素之靈結九元正一之氣以成憂樂之辭明於玄臺之上字方一文蔚煥爛洞明九天飛鳳雲蓋紫氣鬱冥遊驕走獸交錯馳橫六領師子備于下關五帝玉仙執五色命魔靈幡以威御五方右侍太華玉女左衛金仙玉童各三千人侍真典香日月映映七元迴靈三晨齊景玄光洞明瓊林振條玉籟激庭七寶華光流曜上清即高上玉晨太上道君所治玄都丈人以鳳文真書憂樂之曲玄授於道君焉如是上天萬真及五嶽飛仙悉以月十五日二十五日一月三登鳳臺宴禮遊香誦詠憂樂之辭也上慶神真下悲兆民其辭虛微玉朗洞清四真稽首萬仙禮音散香逸霄流煙虛庭凡上宮已成真人及始學爲仙者莫不備修九天鳳氣玄丘真書誦憂樂之曲也玄古

上清高上玉晨鳳臺曲素上經

皆萬劫一傳今有其人七百年中聽得三傳得有其文飛行上清登九曲鳳臺朝謁玉真也輕泄失明七祖充責慎則神仙凡得佩玄丘太真書五帝命魔靈幡則能策虛名靈制魔使神得五行祕符則呼魄固魂保神長存得誦憂樂之辭超身九玄遊晏玉京得佩曲素鳳炁則見太平奉迎聖君身昇玄都受仙上真也

如是九天鳳文憂樂之曲玄丘太真皆九天自然之氣結而成焉靈文表異於空玄之中經九萬劫玄都丈人受之於太空以傳太上大道君道君傳太極真人真人以傳東海方諸青童大君使傳道士宿有玉名應爲神仙人者佩之二十年傳見三元君迎聖君於上清金闕七百年三傳百年有可授者聽傳二人齋中曉香一斤上金五兩畢獻金青之誓以代血壇之約也

高上玉晨曲素憂樂慈辭
東方青帝

結我自然氣凝化紫鳳城高臺超九嶺陵層

茂飛瓊煥樂重虛上曲折洞八清紫虛曜雲宮流暉翳五靈四達无窮野八氣迴圓明扶搖運太空七景轉天經運來若元根時去隨化傾九圍交度內二象互相征帝一固中元四網不類靈南採飛皇實北引廣寒庭玄房交真會虛歌自然生五帝命靈幡麾微萬精魔從空中嘯道治樂未央故興曲素辭慶神欣太平相與契何許萬劫爲一齡迴轉九萬劫同遊紫鳳軒空生紫鳳臺瓊閣參太微靈風洞八會北牖閭闔開上有嘯歌兒恒唱運器衰朝則乘景遊暮則附景歸二景齊一體怕恐失景暉九五不常居天地有傾危大劫終一椿百六乘運迴洪泉湧九嶺大鳥翔天垂萬蠡飄長流顧山不得依號泣无崖際能不傷人懷賢聖勤誦經故得乘景飛至時相奉迎同會九天扉數盡金馬辰萬腐交撲馳不見學仙人但聞喪屍悲嗟此愚夫質持命痛何哀

南方赤帝

散憂九玄臺聚樂階太空攜契十天真嘯命

東海童四達八會氣交運閭臺風目朝西華
館意合廣寒宮娑婆紫鳳下蕭條九嶺峯流
躬无窮野仰觀劫何中清歌宮商和憂樂自
相從二趣諧一契理背反還同相與樂未央
持始復持終甘飲玉池醴仰歛飛華皇靈爪

自可晏未若日月光七曜流芳暉斯樂豈可
忘大劫有終運運交二象傾龍門斷天河三
五反相征赤鎮據東井華蓋伏晨星玄暉昏
八荒穢氣腎天精三官相操促五嶽不固靈
萬竊交橫馳北帝勇魔兵八網羅天外聖主
不能清是結自然氣陵層九重城高觀慙萬
兆憂樂從是生玄歌散神衿蒙歡反涕零哀
此頑夫輩去財貪色榮欣欣待命至不顧禍
自嬰賢智運方來晨夜勤誦經禮空念玄虛
以度不窮齡若能尋道源八節奏玉名將免

九難災令爾見太平

西方白帝

瓊鳳麟晨颺紫臺曜玉林流光拂重玄差我
凌九陰紫景散朱霞飛煙手相尋七寶振瓊
條靈獸騁雲岑萬仙乘空詠神風揚妙音上

有高晨師拱靜嘯與吟八會自然容虛降皆
蘭金瓊嚮彌劫旦玉漿散冲心明珠唱靈歌
法容和清琴玉童至道宗憂樂解人衿釋我
无終齡良娛樂何深自无高仙韻安能同此
飲朝戲東華宮夕遊西華堂取樂二華館不

明六

與樂相逢但聞玄歌子悲聲傷天童哀響流
寒庭撫悼世運窮天馬踴九河鳥母乘飛龍
玄津无橋梁二氣隔不通登我陵層臺仰觀
九難中穢氣彌三靈萬兆負災衝八域無遺
民大小山嶽崩念此不知學聞經若癡聾相
與任運生條欵待命終哀哉何期酷念于傷
我肉

北方黑帝

紫鳳乘空發陵層九玄嶠氣結則影見氣散
則神元飄飄有元際天樂適我娛安同八會
唱齊我高仙嘯攜契十天真晏我九鳳驅上
登玉京闕下戲閭風州羽騎迅瓊輪紫煙空
相扶極朝復待旦偕樂无終休流眎任運遷
億椿始一周歡我自然衿散我懷世憂自无
玄靈質誰能同此遊哀哉空洞內興樂復發

憂朝登東蒙嶺夕觀西壘丘不見九靈母此
真道相求遠問大象度二炁忽云周九龍運
東井天馬發西嶠北帝放天兵五嶽玄相符
萬魔已來帶五行早相謀兵災羅天布萬兆
已被拘上下皆受會蕩除无稽留哀哉五難
中運至无親踈高登八會宮結我冥中嘯歷
觀至學者福地以相扶棄家尋我道冠得度
爾軀勤心修至經道成當相須逍遙觀鳳臺
豈不樂哉遊

明六


中央黃帝

大樂會中元中元衆樂庭上有八會氣婆娑
紫鳳生金條附玉根七寶結華鈴龍超極嶺
峯鳳嘯駭萬里不見雜遊賓但聞風雲聲宮
商自相和音響自相成玄歌唱妙曲憂樂結
成經吾我自相求誰知真人靈錦雲帶夜月
紫曜翳飛瓊三晨洞太暉七元煥五星靈樞
有威光流煙藹紫清自謂西華妙未若紫鳳
城上有解衿人一面歡萬齡偕樂元終劫因
覺天地傾靈運自有紀數終自由玄去來順
運迴何為憂纏生散憂八荒外大象不主真

逍遙歡樂庭誰與憂為親五難是常會所傷
自有人宮商雖不和大歸理自均故與憂樂
曲以度學道身苦行研靈文妙義自當鮮但
佩曲素章剋入元憂津乘空登鳳臺高觀承
唐年此樂將何樂知憂在何間


高上玉晨憂樂之曲空生鳳臺之上靈文明
於五方金音逸朗於十天玉京九曲上真皆
鑄金為簡紫筆書文齊聲合唱玄歌憂樂之
曲也其辭深頤妙趣洞淵自非高上之儔莫
有能究其篇者有金名東華書字鳳闕乃得
見此文爾得佩風氣玄丘真書命魔靈幡誦
憂樂之曲則五帝衛真天魔教護保舉上仙
得奉迎聖君於上清宮遊於鳳臺之堂也
凡受此文每以本命太歲八節之日及每月
五日十五日二十五日沐浴清齋入室先東
向誦青華曲畢禮拜朝玉真轉南明大向誦赤帝
曲畢禮拜朝玉真轉西向誦白帝曲畢禮拜
朝玉真轉北向誦黑帝曲畢禮拜朝玉真五
方都畢還北向九拜朝玉晨君仰咽炁九過
止如此皆施五帝橋於室五方也

五帝命魔靈幡




高上玉晨命魔靈幡主制東方青帝魔靈大
王咸保負其嶽先生王甲體真合仙俯仰遣
東嶽仙官羽輪奉迎甲身上登玉清宮紫鳳
臺如九天信

右白書青繪上




高上玉晨命魔靈幡主制南方赤帝魔靈大
王咸保負其嶽先生王甲體真合仙俯仰遣
南嶽仙官羽輪奉迎甲身上登玉清宮紫鳳
臺如九天信

右黑書絳繪上




高上玉晨命魔靈幡主制西方白帝魔靈大
王咸保負其嶽先生王甲體真合仙俯仰遣
西嶽仙官羽輪奉迎甲身上登玉清宮紫鳳
臺如九天信

右朱書白繪上



高上玉晨命魔靈幡主制北方黑帝魔靈大
王咸保負其嶽先生王甲體真合仙俯仰遣
北嶽仙官羽輪奉迎甲身上登玉清宮紫鳳
臺如九天信

右黃書黑繪上



高上玉晨命魔靈幡主制中央黃帝魔靈大
王咸保負其嶽先生王甲體直合仙俯仰遠
中嶽仙官羽輪奉迎甲身上登玉清宮紫鳳
臺如九天信


右青書黃繪上

右高上五帝命魔靈幡虛生鳳臺之上五帝
王真所主有骨命合仙之人東華即以此文
告五帝魔王保舉即依俯仰之格遣五嶽仙
官千乘萬騎飛行羽輪奉迎上登紫鳳玉臺
也得佩此文則五帝記名天魔敬護十界司
迎九年則得靈降乘羽輪上昇也受之男當
投書高峯女當醮靈度文如此悉十年來降
男則又投書女則又醮玄丘太真書
鳳氣悉同科文
太極左真人曲素訣辭

一名九天鳳
玄丘太真書

太上授太極左真人以傳東海方諸宮青童
大君使傳道士宿有玉名應為神仙真人者
佩之二十年得見三元君迎聖君於上清金
闕七百年三傳百年有可授者聽傳二人齋
三日齋中跪香十斤上金百兩受畢軟金青
誓之以代血壇之約

曲素訣辭



右玄丘太真書隱文召群靈制萬精朱書白
繪佩身白繪四十尺白絹以保血液之券白
絹以代曲素之軟血不靜不齋不盛解錄青
縑二七尺青縑以保神仙之券青縑以為七
百年三傳之誓入疾入火入水入山入室帶
錄金縑三雙金縑以保長生大度之券金縑
以為抱心不泄之約道士無此文不得見三
元君香九兩香以保通靈之券跪香以為明



靈芝盟又無以召攝六天之鬼者也男受之
北向師南向女受之南向師北向男受之十
年又一齋投書女受之投書及醮當召於師
訣受時有十年一醮錄香果列於一座密室
之中諸太清高仙景雲真人太上丈人官
某甲奉戒如授者師名對錄口傳不用文於
師跪青錄香誓身師名太清高仙景雲真人
啓天大錄太上大人下授五嶽君佩之却禍
除殃辟惡逐邪朝衆精從百禽使鬼物延年
十萬還魂却老安身長存一名三天必生券
九天鳳氣玄丘太真君九炁大人領白素玉
女官十人布在甲身中



九天鳳氣玄丘真書命魔靈懺書九尺素
繒上授書佩身若絕世上居則書五方色繒
畫命魔靈懺置五方也則制萬靈御天魔致
仙官奉迎太平聖君也玄都大人仙科受佩
齋三日以昂青錄三雙香繒以盟受傳記太
歲年月日誓以奉法不淫不慢不濫不欺不
惡不嫉行仁累德存神命真佩錄者神仙
帶錄後訖此

男受此文初仍於本命之嶽投書告靈而度
文也十年即又投如前三投如前三投都畢
女受即十年亦一醮三醮都竟也陽朔元年
歲在庚寅九月甲申朔一日甲申西嶽真人
王君年四十二歲七月生今後高晨大師東
海青童君奉受曲素鳳文玄丘太真書憂樂
之曲五行上符謹開五帝五真五仙五嶽五

靈投書自盟已成真人奏名東華定錄天仙
永保元吉如九天之文

右朱書銀板之上五枚安五座置五板師向
北告靈畢以板埋於五嶽也若一嶽之上亦
可各依其方面而埋之施五座師北向叩齒
三十六通祝曰

九玄上靈元始天王五帝玉仙靈嶽大宮真
人王甲已被三鍊九試氣骨合真謹按上古
九天盟文投書告命埋簡靈山自是之後依
俯仰書曲告下魔王保舉上真飛仙羽蓋奉
迎甲身上登玉清紫鳳之宮三告不承依大
真科文隨達列奏明按奉行女受則十年一
醮初一醮度文當於密室之中施一座向北
燒香甘果五盤置位前寫曲素文威以飛羅
之中置於別案上師北向弟子南向師叩齒
三十六通微祝曰太清高仙景雲真人終天
大錄太上大人今有男真王甲年如千歲其
月生謹受曲素憂樂之辭五帝命魔靈懺九
天鳳文玄丘太真書五行秘符謹以上吉之
日奉請高晨之氣下映兆身願告下五帝五

真五嶽五靈記某甲玉名上奏青宮五帝魔
王保舉合真早得神仙飛行上清謁帝晨三
醮之後如九天玄糾太真明文畢如此三過
醮則都止

太上曲素五行秘符 太極左仙公撰

太上告後聖金闕帝君曰元氣分判天地開
張陰陽貫位三五成宮玄置六甲化生五行
金木水火土摠御中元以炁相生混合成真
後學求仙不知道源徒勞存思損疲形神積
洩无感望道泯泯夫欲尋本當歸其根失根
求生萬不得全今故抄集上皇玉文出以相
告子擇賢而傳其法寶秘望不在言可依明
科承而奉焉
太上曰五行秘文與天地同生混化萬真體
御神靈天无五行則三光不明地无五行山
嶽崩傾人无五行身則朽零故五行混合相
須而生若有志心當尋真名既受其法天地
同根呼魂召魄保命役神修之九年刻登上
仙夫受曲素訣辭學上真之道當知五行父
母真君內諱存以招魂召以制魄魂魄長存

真神總歸官宅備守形身便得及於自然如
北魁日遊晏玉清與系合真矣

凡修此道當以甲乙之日入室燒香東向存

思甲父乙母二真之神父諱青嬰著九元碧

寶玄冠翠羽章衣手執青精保命祕符母諱

浩先頭作頰雲之髻著飛青錦裙手執化生

丹霞靈符二人以符玄授我身便叩齒九通

祝曰


真君父母化生二靈三五反真與元合冥外

攝遊魂內固魄精長居官宅無離本形長與


三元同保玉清畢服符又叩齒九通咽液三

過止修此九年洞觀无窮徹視遠文逆知

吉凶



右青精保命祕符青書白紙男先服保命符
後服化生丹霞靈符



右化生丹霞靈符朱書白紙女先服丹霞靈
符後服青精保命保

右甲乙二真陰陽祕符青書上符朱書下符

常以甲乙日東向服之并書素佩身行之九

年得使常陽玉女九人乘空駕虛白日登晨

丙丁之日入室燒香南向存思丙父丁母二

真之神父諱樞戶著朱陽通天寶冠絳華之

衣手執朱明保身長存祕符母諱納靈頭作

飛雲之髻衣丹飛帔手執中原黃精祕符來

授我身便三呼二真內諱祝曰


陰陽變化二景生真玉靈及魂拘魄鎮神三

五混合无離我身得係日月三景齊晨畢服

符又叩齒九通咽炁三過止修此八年真靈

降見雲輿來迎

降見雲輿來迎



右朱明保身長存祕符朱書白紙男先服後
服中原黃精符也



右中原黃精符黃書白紙女先服後服朱明
保身長存符

右丙丁二真祕符朱書上符黃書下符常以

丙丁之日正中南向服之并書素佩身行之

九年得使赤珪玉女八人乘空駕虛白日登

晨以戊己之日入室燒香向西南存思戊父

己母二真之神父諱長卿著黃華三寶玄冠

衣黃章單衣手執中元度命保魂祕符母諱

來生頭作二角頰雲髻著黃錦飛帔手執金

光自然祕符來授我身便三呼二真內諱

祝曰


中元玄紀攝御四方化生五炁混合帝房拘

魂御魄與形合同長保天地歷劫无窮服符

畢又叩齒九通咽液三過止修此十二年徹見八方身化金光乘虛太室



右中元度命保魂秘符黃書白紙男先服後服金光自然飛符



右金光自然秘符白書白紙女先服後服中元度命保魂秘符


右戊巳二真秘符黃書上符白書下符常以戊巳之日脯時向西南服之書素佩身行之九年得使黃素玉女十二人乘空躡虛飛行上宮

庚辛之日入室燒香西向存思庚父辛母二真之神父諱啓明著九元碧寶玄冠素羽章

上清高上玉晨鳳臺曲素上經

衣手執素靈召神保秘符母諱德神頭作飛雲之髻衣素飾飛翬手執玄陰生形上化秘符來授我身便三呼二真內諱祝曰

金精玄注結炁九靈流真混金灌晨身形使我魂魄安鎮黃寧飢食三元渴飲玉精乘虛駕浮遊紫庭仍服符畢又叩齒九通咽炁三過止修此六年得駕景霄晨出入紫房



右素靈召神保命秘符白書白紙上男先服後服玄陰生形上化符




右玄陰生形上化秘符墨書白紙上女先服後服素靈召神保命秘符

右庚辛二真秘符白書上符墨書下符常以

庚辛之日入室西向服之書素佩身行之九年得使素靈玉女六人乘空躡虛飛行上宮

壬癸之日入室燒香北向存思壬父癸母二真之神父諱朝靈著玄晨之冠皂紬單衣手執通靈長命秘符母諱法勞頭作額雲髻衣玄錦飛翬手執飛仙騰化秘符來授我身便三呼二真內諱祝曰

上有九元化生陰陽五行各差金剛反強三晨寶曜冠我衣裳五色流黃天關開張上昇玉清出入帝房服符畢又叩齒九通咽炁九過止修行五年洞視无崖逆知吉凶乘虛駕浮上昇霄晨



右通靈長命秘符墨書白紙男先服後服飛仙騰化秘符



HEXIAOZHUANG

右飛仙騰化秘符青書白紙女先服後服通靈長命秘符

右壬癸二真秘符墨書上符青書下符常以衣半壬癸之日北向服之并書素佩身行之九年得使太玄玉女五人乘虛駕空白日昇天

後聖金闕帝君奉受太上施用曲素訣辭五行祕書寶訣即命太極左仙公鑄金爲簡紫筆書文祕於九天之上大有之宮王房之內太上以西華玉女三百人侍衛靈文儲七寶之華流五色之精金真玄映散香紫庭飛霞翳翳八會俱生光曜瓊宮煥赫玉清陰陽否而不虧履億劫而方解巨絳於衆妙威制於群靈呼魂召魄萬神搖還極微之化五行之妙真其文寶祕不得輕泄傳非其人若有至學欲單佩五行祕符者亦聽別盟而傳傳法師與弟子告齋七日弟子齋五色之繒各五十尺金鈕五雙以誓玉帝之官師告誓度文

奉受之後不得冒濫入微觸忤道真輕泄天文使人見聞七玄父母長閉地獄已身十苦八難萬不得仙慎而奉行

上清高上玉晨鳳臺曲素上經



上清外國放品青童內文卷上

明七

高上入國隱元內文

上清太真玉保王上相大司馬命高晨師東海玉門青華小童君受高上玉帝外國放品隱元內文其道高妙乃生於九玄之先結飛玄紫炁自然之章靈文表異煥明上清經九萬之劫刻書綠那之國靈鳥之山著東華之岫玄圃之上積石之陰流光洞曜映落太空日月俠照五晨翼靈八素交帶四會結煙飛霄翳氣翳鬱虛庭金華之女玉晨之童各三百人侍衛神文天妃揚香靈風散真飛龍走獸備羅玉闕朱鳳撫翮神鸞陰玄西華宴禮萬聖朝軒以中皇元年三月一日甲子天德值合之時上相青童君清齋空山金青盟天受於高上備遊六國履涉名山周歷五嶽步諸河源五帝扶翼降致靈軒十界衆聖宴禮廣庭洞窮寥幽攬究无形流精煥光以通道太陽激電以吐威七元運霄於紫虛八景馭轡而升飛詠玉音於外國放神品以入微命五老以整位招萬真以總歸九靈齊契三景

合暉丹靈告瑞高上監映位登上相名標紫
晨身冠九色霜羅之袍佩流光曜靈洞元之
章靈寶百變之冠流鈴交落丹雲九纏金華
玉女紫晨之童各三千人侍衛君焉於是天
玄啓韻範德應真權任上化主司九天總統
天下普領萬仙生死圖籍元細不關君德高
道備逸朗玉清七元煥落五老侍靈三光俠
映九帝齊翺飛煙紫蓋玄雲空生玉姬揚音
神元羅錚龍吟鳳歌廣樂虛庭飛霄繞日流
電激精華光交灑神燭合明獨秉靈符之節
手麾命魔靈囂道遙紫雲之館徘徊青華之
房威六天於末運剪萬精於群凶採後學於
金簡校青錄於諸方延萬帝於曲字講寶訣
於妙章演九玄以歷運解曲遠於矐矐撰獨
立以齊真嚴四極以檢違命四司以執罰符
五帝以糾非音統無窮四垂六國五嶽名山
億兆萬真莫不咸肆於青宮受事於上相也
如是寶文乃高上玄虛自然之童結飛玄紫
氣以爲隱文放外國之品三十六音置六國
於五老之官行於有道飛仙之人玉音瓊朗

妙義虛微皆表上皇玄古之韻四會八達結
而成音真趣難詳其理難尋自非紫胞結絡
玉藏通鮮九孔納靈之人不能解其微韻通
於玉音高上重祕故口口相傳九天以左輔
執節仙都右置侍仙玉郎五方靈官各五萬
人典衛寶文玉童玉女執巾侍香玄靈紫蓋
散煙遐庭衆真交會煥朗上清如是上聖玉
帝皆以八節之日上登瓊房行禮誦音玉響
朗徹傾動九天書比之日則五星出宿七元
停暉五帝浮位萬仙臨庭千妖喪目群魔滅
精威制六國億境肅清神奇妙化不可言論
流盼億劫而不滅大化改度而方鮮靈秀巍
巍難可名焉
若有此經皆刻簡於未生之前名題帝籍運
挺應仙或天真下降得授此文或於世因緣
遭遇經師夢嚮景應與真合靈得受玉音當
燒香寂室禮願修行詠之一遍萬真交會五
老朝形天魔伏首千妖喪精威振六國招仙
致真九年三元詣房降致雲與飛行上清但
有是經於世不得修行精心供養則給玉童


玉女各十二人侍衛左右營護有經者身辟
却萬災禳伏甲兵千患萬害不敢妄干五帝
防衛剋得下仙或尸變輪轉昇入靈房但不
得受於玉虛之任遊三清之中耳


六國品銘三十六首


天地五方皆有制御剛柔之色使不得落其
地深二十億萬里得潤澤潤澤下二十億萬
里得金粟澤金粟澤下二十億萬里得金剛
鐵澤金剛鐵澤深入二十億萬里得水澤水
澤下八十億萬里得大風澤大風澤下五百
二十億萬里網維天地制使不陷如今日月
星辰爲風所持也學者不知地下之境潤色
深淺則五帝不過此身於外國之境也
東方弗于逮九萬里之外極豪林之墟其國
音名呵羅提之國國地形正貞土色如碧暗
之鮮无有山阜廣狹九十萬里其國人形長
二丈壽四百歲國有六音之銘是高上始氣
置於外國胡老之品高上常吟歌其音以化
胡老之人令知外國有不死之教如其國人
皆行禮而誦其音是得四百歲之壽无有中


夫之命上學之士知外國地色常吟詠六品之音者則致胡老仙官衛兆之身九年自然得遊呵羅提之國與胡老交言變化飛空遊行東極之境也


東方呵羅提國


第一品銘  音曰擅阿夷提那維

第二品銘  音曰越家摩須雲持

第三品銘  音曰曇真釋遮緣陀

第四品銘  音曰誥波君運烏紫

第五品銘  音曰錫晉靈法婆願

第六品銘  音曰舍梨定曲泥臺

東方呵羅提之國放六品之音置胡老之號知者壽與天地齊齡修行其道則致外國仙官來衛兆身當以太歲本命八節之日青書六品銘服一通東向叩齒九道吟詠六品六編畢瞑目安身定神棄諸畢念思存東方无


極无窮之境呵羅提之國洞達了然存胡老仙官无數衆皆來朝已行禮誦外國之音便微祝曰


天地開境八達朗清洞觀无窮外國之名放品化音結氣成靈招仙致真億萬齊并逆究玄微監映无形上下嚮應内外肅清碧霞飛輪來輔我形運我上昇北謁玉京畢咽氣九過止此高上放外國之品神仙上法行之九年則致仙官通靈察微與神交言飛空騰虛白日昇天

南方閻浮利三十萬里之外極洞陽之野其國音則銘伊沙他之國國地平博无有高下土色如丹廣狹八十一萬里其國人皆形長二丈四尺壽三百六十歲國有六音之銘是高上置於外國越老之品高上常吟歌其音以化越老之人令知其國有不死之教如其國人皆行禮而誦其音是得三百六十歲之壽无有中天之命學者知外國地色常吟詠六品之音者則致仙官衛兆之身九年自然得遊伊沙他之國與越老交言變化朱宮飛

行南陽之境也

南方伊沙他國


第一品銘  音曰難維那薛漢羅

第二品銘  音曰桓摩羅鬱藍波

第三品銘  音曰樂鄴勒育明沙

第四品銘  音曰迴素劫起飛陀

第五品銘  音曰根植遂百无和

第六品銘  音曰盈冲都玄鏡車

南方伊沙他之國放六品之音置越老之號知者壽與天地同年修行其道則致外國飛仙之官來衛兆身當以太歲本命八節之日朱書六品之銘入室南向而服之叩齒九通吟詠六音六遍畢瞑目安神定氣棄諸異念存思南方无極无窮之境洞達朗然存越老仙官无數衆來朝已身便微祝曰高靈垂映散化朱宮流音六品結成丹容群

仙來朝與真命雙洞觀八朗目觀華房分景
上清出青入黃五色流精為我明光得遊六
國上造玉堂受仙法服飛青羽裳流金交帶
鳳文紫章與帝同真耀形玉京畢咽氣九過
止行之九年則致南方越老仙官來衛侍形
察幽洞虛與神共言降致飛雲玄龍來迎

西方俱那邑七十萬里之外極皓素之壘其
國音則銘尼維羅綠那之國國地形多高壘
與天西關相接土色白如玉廣狹六十八萬
里其國人形長一丈六尺壽六百年國有六
音之銘是為高上置於外國氏老之品高上常
吟歌其音以化氏老之人令知其國有不死
之教如其國人皆行禮誦誦其音是得壽六
百之年无有中天之命學者知外國地色常
吟誦修行自有氏老仙官衛兆之身九年自
然得遊尼維羅綠那之國與氏老仙官交言
能飛行玄虛遊戲皓素之壘也
西方綠那之國

第一品銘  音曰陀婁阿森呵根

第三品銘  音曰金羅國迦摩審

第三品銘  音曰婆娑泥梵寶真

第四品銘  音曰離奎提藍婆臻

第五品銘  音曰世芬那茂綠晨

第六品銘  音曰提握沙入華田

西方尼維羅綠那之國放六品之音以置氏
老之號知者壽與日月同光修行其道則致
外國飛仙之官來衛兆身當以太歲本命八
節之日白書六品之銘入室正西向服之叩
齒九通吟詠六音六遍畢瞑目安神定志棄
諸外想思存西方无極无窮之境洞達了然
存氏老仙官无數來朝已身便微呪曰

天音微靈虛微命神玉國六分命一為真混
化外國放品怡仙高靈曲映我得自然乘空
飛騰落景龍軒遊眄无方玄登五晨與氣齊
暉命司高竊億兆劫運永保長存畢咽氣九
過止行此九年則致西方氏老仙官來衛兆

身逆觀未然與真通靈降致青輶飛上玉清
北方壽單五十萬里之外極朝陰之庭其國
音則銘旬他羅之國國地長流平演土色黑
潤廣狹五十八萬里其國人形長一丈二尺
壽三百歲國有六音之銘是為高上置於外國
羌老之品高上常吟歌其音以化羌老之人
令知其國有不死之教如其國人皆行禮而
誦誦其音者是得三百年壽无有中天之命
學者知外國地色常吟誦修行則致羌老仙
官衛兆之身九年自然得遊旬他羅之國與
羌老交言飛行玄虛遊宴朝陰之庭也
北方旬他羅之國

第一品銘  音曰幽羅鬱頭陀阿

第二品銘  音曰幽真釋維光那

第三品銘  音曰品鬱定爵世和

第四品銘  音曰陰夜寶開錄沙

第五品銘  音曰法光景量國羅

第六品銘 音曰波密維遮迦訶

北方向他羅之國放六品之音以置堯老之號知者壽同七元之靈修行其道則致外國仙官來朝當以太歲本命八節之日黑書六品之銘入室北向服之叩齒九通吟詠六音六遍畢瞑目安神定志棄諸外想思存此方元極無窮之境洞達明朗存堯老仙官無數衆來朝已身便微呪曰

北鬱結羅七元吐精放品齋氣六國置名堯

老彌純法化受靈高仙命章我票无形氣氣兼行洞朗八冥飛仙來朝翦謁紫庭雲與羽蓋綠霞丹輶致我上昇以造玉清畢咽氣九過止行此九年則致北方堯老仙官來衛兆身逆窺幽窮盡觀未然之事與真通靈飛行

玄虛上昇紫晨

上方九天之上清陽虛空之内无色无象无形成无影空洞之銘元精青沌自然之國以青炁爲世芬上極无窮四覆諸天則高上玉皇萬聖帝真受生之根无壽无量惟劫爲年其

空洞之内亦有六音之銘則元始置於真皇自然之品高上吟歌其音其音以延群仙今知玄空有無量之真如其國玉皇萬帝皆禮音吟詠是得无量之壽學者知空洞之色吟詠修行則致三元下降五帝詣房授兆靈音九年則得乘虛駕浮上造玉清太空之中也上方元精青沌自然之國

第一品銘  音曰瓊瑤芬錄定音

第二品銘  音曰鳳雲蘭丹寶林

第三品銘  音曰香量光洞紫森

第四品銘  音曰綠那境入空瓊

第五品銘  音曰呵阿房辟胡軒


第六品銘  音曰七曜氣飛元青


上方元精青沌自然之國放六品之音以標上清玉帝之真知者飛行玉虛萬仙來朝當以本命太歲八節之日青書六品之銘入室


向太歲服之叩齒九通吟詠六音六遍畢瞑目安神定志棄諸想念思存无上之上清陽太空之内无色无象无形无影空洞之中洞達朗徹青氣鬱鬱下冠兆身便微呪曰元始自然青陽鬱鬱冥玄化空洞无量无形結


氣凝國芬世爲名總覆諸天普植萬靈雲房金羅差我上清六品放位標題元精玉音微微玄響朗瓊吟詠發出帝真臨庭曲映垂條我耳上靈與天齊位三景合明永保太空隨劫无傾畢咽氣九過止行此九年則三元下降授兆真音飛霞丹輶給兆之身飛行大洞上昇玉清高上秘法自无金名紫簡綠字上清不得行此道有者妄泄示人殃及七祖獲考三官已身亡命元復仙冀依科明慎奉焉中國直下極大風澤去地五百二十億萬里剛維地源制使不落土色如金之精中國音則銘太和寶真无量之國中嶽崑崙崑崙即據其中央諸天之別名上有玄圃七寶珠宮與天交端上真飛仙之館中國周迴百二十億萬里其國人形長九尺皆學導引之術壽一千


二百歲國有六音之銘是太上置於中國之品高上玉皇帝君悉吟詠其音以化中國僉老之人令知其國有不死之教如其國人皆修上清之道行禮誦詠是得壽一千二百歲元有橫天之年學者知中國地色吟詠修行則僉老仙官衛兆之身九年自然與僉老交言身登太空飛行上清太和寶真无量之國


第一品銘  音曰定世陰結榮和

第二品銘  音曰中寶珠若來華

第三品銘  音曰廣原緣理雲阿

第四品銘  音曰條瓊芬晉世羅

第五品銘  音曰洞靈音解世陀

第六品銘  音曰金根寶朱陽婆

太和寶真無量之國放六品之音以置僉老之號知者壽同天地修行其道致僉老仙官

來朝已身當以太歲本命八節之日黃書六品之銘入室向本命服之叩齒九通吟詠六國之音六遍畢瞑目安神定志無諸想念存思中國極下大風澤入地五百二十億萬里之淵朗達分明僉老仙官無數衆來朝已身便祝曰

中原總真萬帝玄靈九天垂典結氣凝精太黃浩浩億丈之庭中國放品分音六名玉嚮朗空徹微入清流真敷布陶育我形變化太和寶真利貞下洞无淵上昇玉清畢咽氣九過止行此九年真人下降授兆真音得與僉老仙官交言乘空飛虛上昇帝最高上置六國品銘化為三十六音元始之初金鉞刻書其文各置一國今悉封於國境或封名山五嶽之洞如中國之音即對玄圖積石之陰如此神文皆各以紫晨玉童太華玉女各三百人侍衛典香舊科萬劫當行下世授於上真之人自无金名帝簡錄字玉清不得此文得受六國放品之音便得遊行无窮洞達六國之中上天入淵變化萬方履五嶽遊名山則

胡越氏羌僉老仙官營衛送迎群魔伏首兵凶滅亡周流六國適意所從誦之萬遍三元諸房降致綠輶飛昇玉晨

此高上自然之文上相撰飛玄紫氣之字以雌黃書碧瓊佩身遊五嶽入三清制群魔御萬靈威六國伏五兵行之九年真人詣庭能飛乘虛上造太清

青童君曰上帝玉真及五嶽上仙皆服文而詠音佩身而修真學无此文則不得遊名山制六國却甲兵五老之官不衛身形為學之本當勤行五嶽尋受此文靈威告應自得道真高上妙法雖不學而仙也

青童君受高上入六國內文後學欲遊名山之五嶽入六國致群仙制萬魔伏五兵當受五帝交音內文佩之六年得與六國仙官交言自明三十六國之音也黃帝受隱元三行霸天下通神明役鬼神制萬靈夏禹受交音三行使天下鬼神稟吉凶知宿命得補靈仙魯玄受青洞文三行匡五龍遊雲宮安陽受九靈音三行登帝堂位加仙王赤精受寶真

文位登四極出入三清王喬受苞元隱歸三
行身登上真總領衆仙出入華房高上於玄
圖西龍金華之宮以化靈總衆內文以授上
相青童君

秀鬚頰削烈烈
渺瀼瀼顧鄒
肩鵠疎尚面
氣然正民強
危國廣頤歸
肩鵠疎尚面

東濠隱文真書三行雌黃書碧繒上佩身則
得遊行東方呵羅提之國制群靈斬天魔伏
五兵遊名山胡老扶迎自知六國之音與神
交言

走遙弱策說
彌新出烈原
神虛勿於強
世強矣雲強
能強強強強
鵠鵠強強強

南方交音內文三行雌黃書碧繒上佩身則
得遊伊沙他之國制群靈斬天魔伏五兵遊
名山越老之官扶將送迎自知六國之音與
神共言

冠負強強強
強強強強強
強強強強強
強強強強強
強強強強強
強強強強強